

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-657/11  
Sarajevo, 16.06.2011. godine

**Z A P I S N I K**  
**2. SJEDNICE DOMA NARODA PARLAMENTA FEDERACIJE BOSNE I**  
**HERCEGOVINE, održane 16. juna 2011. godine**

Sjednica je počela u 10.40.

Sjednicom je predsjedavala Karolina Pavlović, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, predsjednika Federacije BiH Živka Budimira, potpredsjednika Federacije BiH Svetozara Pudarića, zamjenike premijera Desnicu Radivojevića i Jerku Ivankovića Lijanovića, ministre u Vladi Federacije BiH, predsjednika Saveza samostalnih sindikata, predstavnike akreditiranih medijskih kuća koji prate rad sjednice i goste.

Izostanak sa sjednice su opravdali Vlatko Zrilić i Dževad Rađo.

Na osnovu evidencije Stručne službe, predsjedavajuća je konstatovala da sjednici prisustvuju 53 delegata, što čini većinu, te da Dom naroda može raditi i punovažno odlučivati.

Predsjedavajuća je nakon toga stavila na glasanje Zapisnik 3. vanredne sjednice Doma naroda i Zapisnik 1. sjednice Doma naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, bez primjedbi sa 44 glasa za i osam uzdržanih glasova, usvojio Zapisnik 3. vanredne sjednice Doma naroda Parlamenta Federacije BiH održane 6.06.2011. godine.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, bez primjedbi 43 glasa za, jednim glasom protiv i devet uzdržanih glasova, usvojio Zapisnik 1. sjednice Doma naroda Parlamenta Federacije BiH održane 30.05.2011. godine.

Nakon toga, predsjedavajuća je podsjetila delagata da, na osnovu člana 104. Poslovnika o radu Doma naroda, delegati mogu postavljati delegatska pitanja i pokretati inicijative.

### **Delegatska pitanja i inicijative**

**Slobodan Tomić** je pokrenuo inicijativu da Vlada Federacije i Federalno ministarstvo poljoprivrede, vodoprivrede i šumarstva pomognu u sanaciji štete na područjima pogođenih gradom u Zapadnohercegovačkom kantonu.

Pozvao je Federalno ministarstvo raseljenih osoba i izbjeglica da realizira projekte vezane za povratak Srba u Zapadnohercegovački kanton i da ministar raseljenih osoba i izbjeglica Federacije posjeti ovaj kanton.

Upitao je zašto na Hidrometeorološkoj karti na vremenskoj prognozi Federalne televizije nema označenog centra Zapadnohercegovačkog kantona Širokog Brijega.

**Zoran Jovanović** je, u ime Kluba delegata srpskog naroda, pokrenuo inicijativu da Federalno ministarstvo pravde i Federalno ministarstvo finansija izrade pravilnike ili uputstva za izradu finansijskih izvještaja javnih preduzeća, ustanova, agencija, direkcija i zavoda koje dostavljaju Vladi Federacije u kojima bi bili vidljivi podaci o bruto plati i naknadama zaposlenih i svim drugim finansijskim izdacima.

Pokrenuo je inicijativu da se uz izmjene i dopune zakona koji se dostavljaju u parlamentarnu proceduru dostavlja i tekst osnovnog zakona ili članova koji se mijenjaju.

**Almedin Aliefendić** je pokrenuo inicijativu prema Kolegiju Doma naroda i Kolegiju Predstavničkog doma za uvrštavanje u dnevni red Prijedloga zakona o potvrđivanju prava na prijevremenu starosnu penziju ostvarenu pod povoljnijim uvjetima po hitnom postupku.

**Drago Puzigaća** je predložio radnom predsjedništvu Doma naroda da se, ako sjednici ne prisustvuje predlagač akta, taj akt skine sa dnevnog reda.

Zatražio je pisani odgovor premijera Federacije u vezi sa statusom zakona koje su predložili delegati i poslanici domova Parlamenta Federacije u mandatnom periodu 2006 - 2010, a koji su usvojeni u Predstavničkom domu.

**Elvira Abdić-Jelenović** je postavila pitanje Vladi Federacije na čiju inicijativu je došlo do prijenosa Agrokomerca d.d. iz nadležnosti Federalnog

ministarstva poljoprivrede, vodoprivrede i šumarstva u Federalno ministarstvo energije, rudarstva i industrije. Upitala je da li je izvršena primopredaja prilikom predaje Agrokomerca d.d. iz jednog ministarstva u drugo i da li je došlo do promjene imenovanja članova Nadzornog odbora Agrokomerca d.d.. Upitala je kakav je stav Vlade Federacije prema imovini Agrokomerca.

**Josip Perić** je postavio pitanje Vladi Federacije u vezi porijekla fiskalnih kasa u Federaciji Bosne i Hercegovine i njihovoj stvarnoj nabavnoj cijeni i njihovoj cijeni nakon instalacije. Upitao je da li je posao uvođenja fiskalnih kasa vezan za porodicu bivšeg ministra finansija ili nekih drugih ministara. Također je postavio pitanje o koristi koju ima Budžet Federacije od uvođenja fiskalnog sistema.

Također je postavio pitanje Vladi Federacije na osnovu čega je izvršen prijenos vlasništva nad Elektroprivredom HZHB sa općina sa hrvatskom većinom na Vladu Federacije Bosne i Hercegovine.

**Vesna Saradžić** pitala je ko je nadležan za usklađivanje zakonodavstva kantona i Federacije.

**Mira Jurić** je pokrenula inicijativu za donošenje Zakona o besplatnoj vantjelesnoj oplodnji.

**Amir Zukić** je u ime Kluba delegata bošnjačkog naroda zatražio da predlagači akata prisustvuju sjednicama klubova naroda i radnih tijela i da u suprotnom Klub neće podržati akte čiji predlagači ne budu prisustvovali sjednicama klubova naroda.

**Mira Ljubijankić** je postavila pitanje u vezi s nacionalnim sastavom zaposlenih u organima izvršne, zakonodavne vlasti i javnim ustanovama.

**Enes Salkanović** je pokrenuo inicijativu za formiranje općinskog suda u Odžaku.

**Sretko Radišić** je predložio da Dom naroda Parlamenta Federacije pokrene inicijativu prema Vijeću naroda Republike Srpske kojom bi se princip nacionalne zastupljenosti zaposlenih u obrazovanju, zdravstvu i drugim javnim službama na teritoriji Bosne i Hercegovine sagledao u cijelosti.

Nakon postavljenih delegatskih pitanja i pokrenutih inicijativa, prešlo se na utvrđivanje dnevnog reda.

Predsjedavajuća je obavijestila delegate da je Vlada Federacije dostavila sljedeće prijedloge zakona da se razmatraju po hitnom postupku: Prijedlog zakona o izmjeni Zakona o obligacionim odnosima, Prijedlog zakona o izmjenama i dopunama Zakona o prekršajima Federacije Bosne i Hercegovine, Prijedlog zakona o izmjenama Zakona o obrtu i srodnim djelatnostima, Prijedlog zakona o izmjenama i dopunama Zakona o policijskim službenicima Federacije Bosne i Hercegovine, Prijedlog zakona o izmjeni Zakona o parničnom postupku, Prijedlog zakona o izmjenama Zakona o plaćama i naknadama u organima vlasti Federacije Bosne i Hercegovine, Prijedlog zakona o izmjeni Zakona o izmirenju obaveza na osnovu računa stare devizne štednje u Federaciji Bosne i Hercegovine i Prijedlog zakona o izmjenama i dopunama Zakona o porezu na dohodak.

S obzirom da je Vlada Federacije na 1. sjednici Predstavničkog doma od 19.5.2011. godine povukla iz parlamentarne procedure Prijedlog zakona o izmjeni Zakona o parničnom postupku, Kolegij Doma naroda je predožio da se ovaj prijedlog zakona skine s dnevnog reda ove sjednice.

Također, Kolegij Doma naroda je predložio da se Prijedlog zakona o izmjenama i dopunama Zakona o prekršajima Federacije Bosne i Hercegovine skine s dnevnog reda ove sjednice, jer ga Predstavnički dom nije usvojio. Delegati su prihvatili ove prijedloge.

Potom su se delegati izjašnjavali o hitnosti postupka dostavljenih prijedloga zakona.

Na osnovu rezultata glasanja, predsjedavajuća je konstatovala da je:

- Dom naroda Parlamenta Federacije Bosne i Hercegovine sa 41 glasom za, sedam glasova protiv i tri uzdržana glasa prihvatio da Prijedlog zakona o izmjeni Zakona o obligacionim odnosima razmatra po hitnom postupku;
- Dom naroda Parlamenta Federacije Bosne i Hercegovine sa 41 glasom za, sedam glasova protiv i šest uzdržanih glasova prihvatio da Prijedlog zakona o izmjenama Zakona o obrtu i srodnim djelatnostima razmatra po hitnom postupku;
- Dom naroda Parlamenta Federacije Bosne i Hercegovine sa 41 glasom za, pet glasova protiv i sedam uzdržanih glasova prihvatio da Prijedlog zakona o izmjenama i dopunama Zakona o policijskim službenicima Federacije Bosne i Hercegovine razmatra po hitnom postupku;
- Dom naroda Parlamenta Federacije Bosne i Hercegovine sa 42 glasa za, pet glasova protiv i pet uzdržanih glasova prihvatio da Prijedlog zakona o izmjeni Zakona o izmirenju obaveza na osnovu računa stare devizne štednje u Federaciji Bosne i Hercegovine razmatra po hitnom postupku;

- Dom naroda Parlamenta Federacije Bosne i Hercegovine sa 40 glasova za, sedam glasova protiv i pet uzdržanih glasova prihvatio da Prijedlog zakona o izmjenama i dopunama Zakona o porezu na dohodak razmatra po hitnom postupku.

Nakon toga je predsjedavajuća obavijestila delegate da je na prijedlog premijera Federacije Predstavnički dom Prijedlog zakona o koncesijama razmatrao u formi nacrt zakona.

Također, Predstavnički dom je Prijedlog zakona o izmjenama Zakona o plaćama i naknadama u organima vlasti Federacije Bosne i Hercegovine i Prijedlog zakona o zaštiti i postupanju sa djecom i maloljetnicima u krivičnom postupku razmatrao u formi nacrt zakona. Kolegij Doma naroda je predložio da se ovi zakoni također razmatraju u formi nacrt zakona.

Na osnovu rezultata glasanja, predsjedavajuća je konstatovala da je:

- Dom naroda Parlamenta Federacije Bosne i Hercegovine sa 46 glasova za, četiri glasa protiv i pet uzdržanih glasova prihvatio da Prijedlog zakona o koncesijama razmatra u formi nacrt zakona;
- Dom naroda Parlamenta Federacije Bosne i Hercegovine sa 41 glasom za, sedam glasova protiv i osam uzdržanih glasova prihvatio da Prijedlog zakona o izmjenama Zakona o plaćama i naknadama u organima vlasti Federacije Bosne i Hercegovine razmatra u formi nacrt zakona;
- Dom naroda Parlamenta Federacije Bosne i Hercegovine sa 44 glasa za, četiri glasa protiv i sedam uzdržanih glasova prihvatio da Prijedlog zakona o zaštiti i postupanju sa djecom i maloljetnicima u krivičnom postupku razmatra u formi nacrt zakona.

Također, Predstavnički dom je, na prijedlog premijera Federacije, odlučio da Nacrt zakona o izmjenama i dopunama Zakona o utvrđivanju i načinu izmirenja unutrašnjih obaveza Federacije Bosne i Hercegovine razmatra u formi prijedloga zakona po hitnom postupku.

Kolegij Doma naroda je predložio da i Dom naroda razmatra ovaj zakon u formi prijedloga.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine sa 39 glasova za, sedam glasova protiv i osam uzdržanih glasova prihvatio da Nacrt zakona o izmjenama i dopunama Zakona o utvrđivanju i načinu izmirenja unutrašnjih obaveza Federacije Bosne i Hercegovine razmatra u formi prijedloga zakona po hitnom postupku.

Amir Zukić je u ime Kluba delegata bošnjačkog naroda predložio da se u dnevni red uvrsti Prijedlog zakona o izmjeni Zakona o utvrđivanju i

ostvarivanju potraživanja građana u postupku privatizacije koji je predložio Irfan Ajanović, zastupnik u Predstavničkom domu, po skraćenom postupku.

Ivo Divković je zatražio mišljenje Vlade Federacije o ovom prijedlogu zakona.

Desnica Radivojević, zamjenik premijera Federacije, izjavio je da Vlada Federacije podržava ovaj prijedlog zakona.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine sa 35 glasova za, 13 glasova protiv i pet uzdržanih glasova uvrstio Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije u dnevni red.

Zijat Mušić je predložio da se u dnevni red ove sjednice uvrsti Prijedlog odluke o usvajanju Prijedloga regulacijskog plana historijskog gradskog područja Mostar za period od 2007. do 2017. godine, s obzirom da je ovu odluku usvojio Predstavnički dom u prošlom mandatu.

Izmir Hadživdić, sekretar Doma naroda Parlamenta Federacije, izjavio je da bi usvajanjem ove odluke u Domu naroda došlo do proceduralnih smetnji, jer bi Odluka bila usvojena u dva različita saziva Parlamenta Federacije BiH, što se dosad u parlamentarnoj praksi Federacije nije desilo.

Predsjedavajuća je stavila na glasanje prijedlog Zijata Mušića i na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine sa 30 glasova za, 12 glasova protiv i sedam uzdržanih glasova uvrstio Prijedlog regulacijskog plana historijskog gradskog područja Mostar za period od 2007. do 2017. godine u dnevni red.

Radoje Vidović je u ime Kluba delegata hrvatskog naroda predložio da se u dnevni red ove sjednice uvrsti Izbor predsjedavajućeg Doma naroda Parlamenta Federacije BiH i predložio Mirka Batinića za predsjedavajućeg Doma naroda.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine nije prihvatio ovaj prijedlog, jer je za glasalo 14 delegata, 30 delegata je bilo protiv, a osam delegata je bilo uzdržano.

Radoje Vidović je izrazio žaljenje zbog toga što se prijedlog Kluba delegata hrvatskog naroda nije prihvatio, te izjavio da će o ovoj situaciji upoznati visokog predstavnika za Bosnu i Hercegovinu Valentina Inzka i ostale međunarodne faktore koji su garant Općeg okvirnog Sporazuma za mir u Bosni i Hercegovini.

Nakon toga je predsjedavajuća konstatovala da je Dom naroda Parlamenta Federacije, sa 36 glasova za, pet glasova protiv i uz sedam uzdržanih glasova, usvojio sljedeći:

## DNEVNI RED

1. Prijedlog zakona o izmjeni Zakona o obligacionim odnosima – hitni postupak,
2. Prijedlog zakona o izmjenama Zakona o obrtu i srodnim djelatnostima - hitni postupak,
3. Prijedlog zakona o izmjenama i dopunama Zakona o policijskim službenicima Federacije Bosne i Hercegovine – hitni postupak,
4. Prijedlog zakona o izmjeni Zakona o izmirenju obaveza na osnovu računa stare devizne štednje u Federaciji Bosne i Hercegovine - hitni postupak,
5. Prijedlog zakona o izmjenama i dopunama Zakona o porezu na dohodak - hitni postupak,
6. Prijedlog zakona o izmjenama i dopunama Zakona o utvrđivanju i načinu izmirenja unutrašnjih obaveza Federacije Bosne i Hercegovine – hitni postupak,
7. Prijedlog zakona o dopunama Krivičnog zakona Federacije Bosne i Hercegovine,
8. Prijedlog zakona o izmjenama i dopunama Zakona o izvršenju krivičnih sankcija u Federaciji Bosne i Hercegovine,
9. Prijedlog zakona o izmjeni Zakona o advokaturi Federacije Bosne i Hercegovine,
10. Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije - skraćeni postupak (predlagač: Irfan Ajanović, zastupnik u Predstavničkom domu)
11. Nacrt zakona o zaštiti i postupanju sa djecom i maloljetnicima u krivičnom postupku,
12. Nacrt zakona o koncesijama,
13. Nacrt zakona o izmjenama Zakona o plaćama i naknadama u organima vlasti Federacije Bosne i Hercegovine,
14. Nacrt zakona o matičnim knjigama u Federaciji Bosne i Hercegovine,
15. Nacrt zakona o izmjenama i dopunama Zakona o prikupljanju, proizvodnji i prometu sekundarnih sirovina i otpadnih materijala,
16. Prijedlog odluke o usvajanju Prijedloga regulacijskog plana historijskog gradskog područja Mostar za period od 2007. do 2017. godine
17. a) Prijedlog odluke o prihvatanju zaduženja po Sporazumu o kreditu između Bosne i Hercegovine i Unicredit Bank Austria AG za realizaciju Projekta nabavke opreme i pružanje usluga za dvije bolnice u Sarajevu,  
b) Kreditni sporazum za finansiranje Projekta nabavke opreme i pružanje usluga za dvije bolnice u Sarajevu, između Bosne i Hercegovine, koju zastupa Ministarstvo finansija i trezora i Unicredit Bank Austria AG,

- c) Informacija o robnom kreditu Unicredit Bank Austria AG za finansiranje Projekta nabavke opreme i pružanje usluga za dvije bolnice u Sarajevu,
18. a) Prijedlog odluke o prihvatanju zaduženja po Sporazumu o kreditu između Bosne i Hercegovine i Unicredit Bank Austria AG za realizaciju Projekta nabavke opreme za KJKP „RAD“, d.o.o. Sarajevo,  
 b) Nacrt sporazuma o kreditu za finansiranje Projekta nabavke opreme za KJKP „RAD“, d.o.o. Sarajevo, između Bosne i Hercegovine, koju zastupa Ministarstvo finansija i trezora i Unicredit Bank Austria AG,  
 c) Informacija o robnom kreditu Unicredit Bank Austria AG za finansiranje Projekta nabavke opreme za KJKP „RAD“, d.o.o. Sarajevo,
19. a) Prijedlog odluke o prihvatanju Sporazuma o sredstvima zajma između Kraljevine Španije, zastupane po Instituto de credito oficial i Bosne i Hercegovine, zastupane po Ministarstvu finansija i trezora za finansiranje Projekta izgradnje postrojenja za prečišćavanje otpadnih voda u Širokom Brijegu  
 b) Sporazum o sredstvima zajma između Kraljevine Španije, zastupane po Instituto de credito oficial i Bosne i Hercegovine, zastupane po Ministarstvu finansija i trezora,  
 c) Informacija o kreditu Kraljevine Španije za Projekat finansiranja sistema otpadnih voda u općini Široki Brijeg,
20. a) Prijedlog odluke o usvajanju Prostorne osnove Prostornog plana Federacije Bosne i Hercegovine za period 2008. do 2028. godine,  
 b) Prostorni plan Federacije Bosne i Hercegovine za period 2008. do 2028. godine,  
 c) Prostorna osnova – sintezni tekst,  
 d) Prostorna osnova – karte 1-15  
 e) Izvod iz prostorne osnove – sintezni prikaz osnovne koncepcije prostornog razvoja,
21. Izvještaj o radu Regulatorne komisije za električnu energiju u Federaciji Bosne i Hercegovine - FERK-a za 2010. godinu i Prijedlog finansijskog plana (Budžeta) FERK-a za 2011. godinu,
22. Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2010. godinu,
23. Izbori i imenovanja.

Predsjedavajuća je predložila da se o svim tačkama dnevnog reda obavi raspravi, a da se glasanje obavi na kraju, što su delegati sa 31 glasom za, deset glasova protiv i dva uzdržana glasa usvojili.



## **1. Prijedlog zakona o izmjeni Zakona o obligacionim odnosima**

Prijedlog zakona utvrdila je Vlada Federacije.

Predstavnički dom je na 1. sjednici od 18.05.2011. godine usvojio Prijedlog zakona u tekstu kako ga je predložila Vlada Federacije.

Prijedlog zakona razmatrala su nadležna radna tijela koja su dostavila izvještaje.

Prijedlog zakona obrazložio je Zoran Mikulić, federalni ministar pravde.

U raspravi su učestvovali: Elvira Abdić-Jelenović i Zoran Jovanović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 47 glasova za, tri glasa protiv i četiri uzdržana glasa, usvojio Prijedlog zakona o izmjeni Zakona o obligacionim odnosima.

## **2. Prijedlog zakona o izmjenama Zakona o obrtu i srodnim djelatnostima**

Prijedlog zakona utvrdila je Vlada Federacije.

Predstavnički dom je na 1. sjednici od 18.05.2011. godine usvojio Prijedlog zakona sa jednim amandmanom koji je Vlada Federacije prihvatila na sjednici Predstavničkog doma, pa je postao sastavni dio Prijedloga zakona.

### **Amandman glasi:**

U članu 1. u stavu 2. riječi: „čl. 1. i 2. Zakona o Poreznoj upravi Federacije BiH („Službene novine Federacije BiH“, br. 33/02, 28/04, 57/09 i 40/10)“ zamjenjuju se riječima: „ovlaštenjima utvrđenim Zakonom o Poreznoj upravi Federacije BiH.“

Prijedlog zakona razmatrala su nadležna radna tijela koja su dostavila izvještaje.

Prijedlog zakona obrazložila je Vesna Jugo, pomoćnik federalnog ministra razvoja, poduzetništva i obrta.

U raspravi su učestvovali: Adnan Jupić, Zoran Jovanović, Mustafa Kurtović, Vesna Nemeć-Klisura, Salko Selman, Elvira Abdić-Jelenović i Huso Obradović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 42 glasa za, šest glasova protiv i šest uzdržanih glasova, usvojio Prijedlog zakona o izmjenama Zakona o obrtu i srodnim djelatnostima.

### **3. Prijedlog zakona o izmjenama i dopunama Zakona o policijskim službenicima Federacije Bosne i Hercegovine**

Prijedlog zakona utvrdila je Vlada Federacije.

Predstavnički dom je na 1. sjednici od 18.05.2011. godine usvojio Prijedlog zakona u tekstu kako ga je predložila Vlada Federacije.

Prijedlog zakona razmatrala su nadležna radna tijela, koja su dostavila izvještaje.

Prijedlog zakona obrazložio je Predrag Kurteš, federalni ministar unutrašnjih poslova.

U raspravi su učestvovali: Adnan Jupić, Sretko Radišić, Slobodan Tomić i Predrag Kurteš, federalni ministar unutrašnjih poslova.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 42 glasa za, tri glasa protiv i pet uzdržanih glasova, usvojio Prijedlog zakona o izmjenama i dopunama Zakona o policijskim službenicima Federacije Bosne i Hercegovine.

### **4. Prijedlog zakona o izmjeni Zakona o izmirenju obaveza na osnovu računa stare devizne štednje u Federaciji Bosne i Hercegovine**

Prijedlog zakona utvrdila je Vlada Federacije.

Predstavnički dom je na 1. sjednici od 19.05.2011. godine usvojio Prijedlog zakona u tekstu kako ga je predložila Vlada Federacije.

Prijedlog zakona razmatrala su nadležna radna tijela, koja su dostavila izvještaje.

Prijedlog zakona obrazložio je Ante Krajina, federalni ministar finansija.

U raspravi je učestvovao Slobodan Tomić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 44 glasa za, tri glasa protiv i šest uzdržanih glasova, usvojio Prijedlog zakona o izmjeni Zakona o izmirenju obaveza na osnovu računa stare devizne štednje u Federaciji Bosne i Hercegovine.

## **5. Prijedlog zakona o izmjenama i dopunama Zakona o porezu na dohodak**

Prijedlog zakona utvrdila je Vlada Federacije.

Predstavnički dom je na 1. sjednici od 19.05.2011. godine usvojio Prijedlog zakona sa jednim amandmanom koji je Vlada Federacije prihvatila na sjednici Predstavničkog doma, pa je postao sastavni dio Prijedloga zakona.

### **Amandman glasi:**

U članu 2. Prijedloga zakona stav 1. mijenja se i glasi:  
„U članu 35. stav (7), u posljednjoj rečenici riječi: „u roku 20 dana od dana isteka roka za podnošenje porezne prijave“, zamjenjuju se riječima: „u roku od 90 dana od dana isteka roka za podnošenje porezne prijave“.

Prijedlog zakona razmatrala su nadležna radna tijela koja su dostavila izvještaje.

Prijedlog zakona obrazložio je Ante Krajina, federalni ministar finansija.

Izvještaj Odbora za ekonomsku i razvojnu politiku, finansije i budžet obrazložio je Salko Selman, predsjednik Odbora.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 43 glasa za, tri glasa protiv i sedam uzdržanih glasova, usvojio Prijedlog zakona o izmjenama i dopunama Zakona o porezu na dohodak.

## **6 Prijedlog zakona o izmjenama i dopunama Zakona o utvrđivanju i načinu izmirenja unutrašnjih obaveza Federacije Bosne i Hercegovine**

Prijedlog zakona utvrdila je Vlada Federacije.

Predstavnički dom je na 1. sjednici od 18.05.2011. godine usvojio Prijedlog zakona sa jednim amandmanom koji je Vlada Federacije prihvatila na sjednici Predstavničkog doma, pa je postao sastavni dio Prijedloga zakona.

### **Amandman glasi:**

“Čl. 4. i 5. Prijedloga zakona brišu se”.

Dosadašnji član 6. postaje član 4.

Prijedlog zakona razmatrala su nadležna radna tijela koja su dostavila izvještaje.

Prijedlog zakona obrazložio je Ante Krajina, federalni ministar finansija.

U raspravi su učestvovali: Elvira Abdić-Jelenović, Zoran Jovanović i federalni ministar finansija Ante Krajina.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 43 glasa za, dva glasa protiv i sedam uzdržanih glasova, usvojio Prijedlog zakona o izmjenama i dopunama Zakona o utvrđivanju i načinu izmirenja unutrašnjih obaveza Federacije Bosne i Hercegovine.

## **7. Prijedlog zakona o dopunama Krivičnog zakona Federacije Bosne i Hercegovine**

Prijedlog zakona utvrdila je Vlada Federacije.

Predstavnički dom je na 1. sjednici od 19.05.2011. godine usvojio Prijedlog zakona u tekstu kako ga je predložila Vlada Federacije.

Prijedlog zakona razmatrala su nadležna radna tijela koja su dostavila izvještaje.

Prijedlog zakona obrazložio je Zoran Mikulić, federalni ministar pravde.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 44 glasa za, dva glasa protiv i šest uzdržanih glasova, usvojio Prijedlog zakona o dopunama Krivičnog zakona Federacije Bosne i Hercegovine.

#### **8. Prijedlog zakona o izmjenama i dopunama Zakona o izvršenju krivičnih sankcija u Federaciji Bosne i Hercegovine**

Prijedlog zakona utvrdila je Vlada Federacije.

Predstavnički dom je na 1. sjednici od 19.05.2011. godine usvojio Prijedlog zakona u tekstu kako ga je predložila Vlada Federacije.

Prijedlog zakona razmatrala su nadležna radna tijela koja su dostavila izvještaje.

Prijedlog zakona obrazložio je Zoran Mikulić, federalni ministar pravde.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 46 glasova za, jednim glasom protiv i šest uzdržanih glasova, usvojio Prijedlog zakona o izmjenama i dopunama Zakona o izvršenju krivičnih sankcija u Federaciji Bosne i Hercegovine.

#### **9. Prijedlog zakona o izmjeni Zakona o advokaturi Federacije Bosne i Hercegovine**

Prijedlog zakona utvrdila je Vlada Federacije.

Predstavnički dom je na 1. sjednici od 19.05.2011. godine usvojio Prijedlog zakona u tekstu kako ga je predložila Vlada Federacije.

Prijedlog zakona razmatrala su nadležna radna tijela koja su dostavila izvještaje.

Prijedlog zakona obrazložio je Zoran Mikulić, federalni ministar pravde.

U raspravi su učestvovali: Elvira Abdić-Jelenović i federalni ministar pravde Zoran Mikulić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 40 glasova za, tri glasa protiv i 11 uzdržanih glasova, usvojio Prijedlog zakona o izmjeni Zakona o advokaturi Federacije Bosne i Hercegovine.

#### **10. Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije**

Prijedlog zakona predložio je Irfan Ajanović, zastupnik u Predstavničkom domu, koji ga je i obrazložio.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 44 glasa za, dva glasa protiv i sedam uzdržanih glasova, usvojio Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije.

#### **11. Nacrt zakona o zaštiti i postupanju sa djecom i maloljetnicima u krivičnom postupku**

Zakon je u formi prijedloga zakona utvrdila Vlada Federacije.

Predstavnički dom je na 1. sjednici od 18. i 19.05.2011. godine razmatrao ovaj prijedlog zakona u formi nacrta zakona i Zaključkom ga prihvatio.

Zakon su u formi prijedloga zakona razmatrala nadležna radna tijela koja su dostavila izvještaje.

Nacrt zakona je obrazložio Zoran Mikulić, federalni ministar pravde.

Izvještaj Odbora za pravdu, opću upravu i lokalnu samoupravu obrazložio je Sretko Radišić, član Odbora.

U raspravi je učestvovao Adnan Jupić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 46 glasova za, jednim glasom protiv i pet uzdržanih glasova, usvojio sljedeći

## **Z A K L J U Č A K**

1. Dom naroda Parlamenta Federacije BiH prihvaća Nacrt zakona o zaštiti i postupanju sa djecom i maloljetnicima u kaznenom postupku, i smatra da može poslužiti kao temelj za izradu Prijedloga zakona.
2. Dom naroda zadužuje Odbor za pravdu, opću upravu i lokalnu samoupravu i Odbor za obrazovanje, nauku, kulturu, sport i pitanja mladih da zajedno sa predlagačem Zakona provedu javnu raspravu. Javna rasprava trajat će 60 dana.
3. Zaduju se Odbor za pravdu, opću upravu i lokalnu samoupravu i Odbor za obrazovanje, nauku, kulturu, sport i pitanja mladih da podnesu izvještaj Domu naroda o provedenoj javnoj raspravi.
4. Zaduje se Vlada Federacije da, prilikom izrade Prijedloga zakona, ima u vidu primjedbe, prijedloge i sugestije iznesene na sjednici Doma naroda kao i one iznesene u javnoj raspravi.

### **12. Nacrt zakona o koncesijama**

Zakon je u formi prijedloga utvrdila Vlada Federacije.

Predstavnički dom je na 1. sjednici od 18. 05.2011. godine razmatrao ovaj prijedlog zakona u formi nacrta zakona i Zaključkom ga prihvatio.

Zakon su u formi prijedloga zakona razmatrala nadležna radna tijela koja su dostavila izvještaje.

Nacrt Zakona je obrazložio Desnica Radivojević, federalni ministar prostornog uređenja.

Izvještaj Odbora za ekonomsku i razvojnu politiku, finansije i budžet, je obrazložio Salko Selman, Izvještaj Odbora za privredu je obrazložio Hajrudin Bećirović, a Izvještaj Odbora za prostorno uređenje, ekologiju i stambeno – komunalne poslove je obrazložila Elvira Abdić Jelenović.

U raspravi su učestvovali Ivo Divković, Mira Ljubijankić, predsjednica Kluba delegata srpskog naroda, Senahid Šaković, Elvira Abdić-Jelenović, Sretko Radišić, Zoran Jovanović, Zahid Bašić, Salko Selman, Josip Perić, Hajrudin Bećirović, Mustafa Kurtović i Desnica Radivojević, federalni ministar prostornog uređenja.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 44 glasa za, dva glasa protiv i sedam uzdržanih glasova, usvojio sljedeći

### **ZAKLJUČAK**

1. Dom naroda Parlamenta Federacije BiH prihvaća Nacrt zakona o koncesijama i smatra da može poslužiti kao temelj za izradu Prijedloga zakona.
2. Dom naroda zadužuje Odbor za privredu, Odbor za ekonomsku i razvojnu politiku, finansije i budžet i Odbor za prostorno uređenje, ekologiju i stambeno-komunalne poslove Doma naroda da se uključe u javnu raspravu koju će organizirati i voditi Federalno ministarstvo prostornog uređenja, a u suradnji s Odborom za energetiku, rudarstvo i industriju, Odborom za ekonomsku i finansijsku politiku i Odborom za prostorno uređenje, stambeno-komunalnu politiku, ekologiju i turizam Zastupničkog doma.  
Javna rasprava trajat će 60 dana.
3. Odbor za privredu, Odbor za ekonomsku i razvojnu politiku, finansije i budžet i Odbor za prostorno uređenje, ekologiju i stambeno-komunalne poslove Doma naroda, podnijet će Izvješće Domu naroda o provedenoj javnoj raspravi.
4. Zadužuje se Vlada Federacije da, prilikom izrade Prijedloga zakona, ima u vidu primjedbe, prijedloge i sugestije iznesene na sjednici Doma naroda kao i one iznesene u javnoj raspravi.

### **13. Nacrt zakona o izmjenama Zakona o plaćama i naknadama u organima vlasti Federacije Bosne i Hercegovine**

Zakon je u formi prijedloga zakona utvrdila Vlada Federacije.

Predstavnički dom je na 1. sjednici od 18. i 19. 05.2011. godine razmatrao ovaj prijedlog zakona u formi nacrta zakona i Zaključkom ga prihvatio.



Zakon su u formi prijedloga zakona razmatrala nadležna radna tijela koja su dostavila izvještaje.

Nacrt zakona je obrazložio Zoran Mikulić, federalni ministar pravde.

Salko Selman je obrazložio izvještaj Odbora za ekonomsku i razvojnu politiku, finansije i budžet i predložio da Dom naroda usvoji ovaj zakon u formi prijedloga zakona po hitnom postupku.

U raspravi su učestvovali Zoran Jovanović, Josip Perić i Salko Selman.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 44 glasa za, jednim glasom protiv i sedam uzdržanih glasova, usvojio sljedeći

## **ZAKLJUČAK**

1. Dom naroda Parlamenta Federacije BiH prihvaća Nacrt zakona o izmjenama Zakona o plaćama i naknadama u organima vlasti Federacije Bosne i Hercegovine i smatra da može poslužiti kao temelj za izradu Prijedloga zakona.
2. Dom naroda zadužuje Odbor za pravdu, opću upravu i lokalnu samoupravu da zajedno sa predlagateljem Zakona provede javnu raspravu. Javna rasprava trajat će 60 dana.
3. Odbor za pravdu opću upravu i lokalnu samoupravu Doma naroda podnijet će Izvješće Domu naroda o provedenoj javnoj raspravi.
4. Zadužuje se Vlada Federacije da, prilikom izrade Prijedloga zakona, ima u vidu primjedbe, prijedloge i sugestije iznesene na sjednici, kao i one iznesene u javnoj raspravi.

### **14.Nacrt zakona o matičnim knjigama u Federaciji Bosne i Hercegovine**

Nacrt zakona je utvrdila Vlada Federacije.

Predstavnički dom je na 1. sjednici od 18. i 19. 05.2011. godine razmatrao Nacrt ovog zakona i Zaključkom ga prihvatio.

Nacrt zakona su razmatrala nadležna radna tijela koja su dostavila izvještaje.

Nacrt zakona je obrazložio Predrag Kurteš, federalni ministar unutrašnjih poslova.

U raspravi je učestvovao Senahid Šaković.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 42 glasa za, dva glasa protiv i šest uzdržanih glasova, usvojio sljedeći

### **Z A K L J U Č A K**

1. Dom naroda Parlamenta Federacije BiH prihvata Nacrt zakona o matičnim knjigama u Federaciji Bosne i Hercegovine i smatra da može poslužiti kao temelj za izradu Prijedloga zakona.
2. Dom naroda zadužuje Odbor za pravdu, opću upravu i lokalnu samoupravu da zajedno sa predlagateljem Zakona provede javnu raspravu. Javna rasprava trajat će 60 dana.
3. Odbor za pravdu, opću upravu i lokalnu samoupravu Doma naroda, podnijet će Izvješće Domu naroda o provedenoj javnoj raspravi.
4. Zadužuje se Vlada Federacije da, prilikom izrade Prijedloga zakona, ima u vidu primjedbe, prijedloge i sugestije iznesene na sjednici, kao i one iznesene u javnoj raspravi.

#### **15. Nacrt zakona o izmjenama i dopunama Zakona o prikupljanju, proizvodnji i prometu sekundarnih sirovina i otpadnih materijala**

Nacrt zakona je utvrdila Vlada Federacije.

Predstavnički dom je na 1. sjednici od 18. i 19. 05.2011. godine razmatrao Nacrt ovog zakona i Zaključkom ga prihvatio.

Nacrt zakona su razmatrala nadležna radna tijela koja su dostavila izvještaje.

Nacrt zakona je obrazložio Marinko Bošnjak, predstavnik Federalnog ministarstva energije, rudarstva i industrije.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 42 glasa za, jednim glasom protiv i devet uzdržanih glasova, usvojio sljedeći

### **ZAKLJUČAK**

1. Dom naroda Parlamenta Federacije BiH prihvaća Nacrt zakona o izmjenama i dopunama Zakona o prikupljanju, proizvodnji i prometu sekundarnih sirovina i otpadnih materijala i smatra da može poslužiti kao temelj za izradu Prijedloga zakona.
2. Dom naroda zadužuje Odbor za prostorno uređenje, ekologiju i stambeno-komunalne poslove da zajedno sa predlagačem Zakona provede javnu raspravu. Javna rasprava trajat će 60 dana.
3. Odbor za prostorno uređenje, ekologiju i stambeno-komunalne poslove Doma naroda podnijet će Izvještaj Domu naroda o provedenoj javnoj raspravi.
4. Zaduguje se Vlada Federacije da, prilikom izrade Prijedloga zakona, ima u vidu primjedbe, prijedloge i sugestije iznesene na sjednici, kao i one iznesene u javnoj raspravi.

#### **16. Prijedlog odluke o usvajanju Prijedloga regulacijskog plana historijskog gradskog područja Mostar za period od 2007. do 2017. godine**

Prijedlog odluke je utvrdila Vlada Federacije i dostavila Parlamentu Federacije radi razmatranja i donošenja.

Predstavnički dom je, u mandatnom periodu 2006 – 2010, na nastavku 32. sjednice od 14. 07. 2010. godine usvojio ovu odluku sa dva amandmana koje je predstavnik Vlade Federacije prihvatio, pa su postali sastavni dio Prijedloga odluke.

Amandmani glase:

#### **Amandman I.**

“U grafičkom prikazu uočene su bijele markice, u legendi naznačene kao ”nema podataka” (postojeći objekti).

Regulacijskim planom “Povijesnog gradskog područja Mostar” sve bijele markice tretirati i to kroz postojeće stanje i plansko rješenje.”

### **Amandman II.**

“U zoni B1 umjesto parkinga P7 i P8 planirati podzemne garaže (maksimalno dvije etaže ispod zemlje), čime bi se djelomično riješilo zagušenje prometa u mirovanju.

Prijedlog odluke je obrazložio Desnica Radivojević, federalni ministar prostornog uređenja.“

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 42 glasa za, dva glasa protiv i deset uzdržanih glasova, usvojio Prijedlog odluke o usvajanju Prijedloga regulacijskog plana historijskog gradskog područja Mostar za period od 2007. do 2017.godine.

- 17. a) Prijedlog odluke o prihvatanju zaduženja po Sporazumu o kreditu između Bosne i Hercegovine i Unicredit Bank Austria AG za realizaciju Projekta nabavke opreme i pružanje usluga za dvije bolnice u Sarajevu,**
- b) Kreditni sporazum za finansiranje Projekta nabavke opreme i pružanje usluga za dvije bolnice u Sarajevu, između Bosne i Hercegovine, koju zastupa Ministarstvo finansija i trezora i Unicredit Bank Austria AG,**
- c) Informacija o robnom kreditu Unicredit Bank Austria AG za finansiranje Projekta nabavke opreme i pružanje usluga za dvije bolnice u Sarajevu**

Ovu odluku je utvrdila Vlada Federacije i dostavila Parlamentu Federacije radi razmatranja i donošenja.

Uz odluku su dostavljeni i Kreditni sporazum za finansiranje Projekta nabavke opreme i pružanje usluga za dvije bolnice u Sarajevu, između Bosne i Hercegovine, koju zastupa Ministarstvo finansija i trezora i Unicredit Bank Austria AG i Informacija o robnom kreditu Unicredit Bank Austria AG za finansiranje Projekta nabavke opreme i pružanje usluga za dvije bolnice u Sarajevu.

Predstavnički dom je na nastavku 1. sjednice od 19.05. 2011. godine donio ovu odluku.

Odluku su razmatrala nadležna radna tijela i dostavila izvještaje.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 38 glasova za, pet glasova protiv i

deset uzdržanih glasova, donio Odluku o prihvatanju zaduženja po Sporazumu o kreditu između Bosne i Hercegovine i Unicredit Bank Austria AG za realizaciju Projekta nabavke opreme i pružanje usluga za dvije bolnice u Sarajevu.

- 18. a) Prijedlog odluke o prihvatanju zaduženja po Sporazumu o kreditu između Bosne i Hercegovine i Unicredit Bank Austria AG za realizaciju Projekta nabavke opreme za KJKP „RAD“, d.o.o. Sarajevo,**
- b) Nacrt sporazuma o kreditu za finansiranje Projekta nabavke opreme za KJKP „RAD“, d.o.o. Sarajevo, između Bosne i Hercegovine, koju zastupa Ministarstvo finansija i trezora i Unicredit Bank Austria AG,**
- c) Informacija o robnom kreditu Unicredit Bank Austria AG za finansiranje Projekta nabavke opreme za KJKP „RAD“, d.o.o. Sarajevo**

Ovu odluku je utvrdila Vlada Federacije i dostavila Parlamentu Federacije radi razmatranja i donošenja.

Uz odluku su dostavljeni i Nacrt sporazuma o kreditu za finansiranje Projekta nabavke opreme za KJKP „RAD“, d.o.o. Sarajevo, između Bosne i Hercegovine, koju zastupa Ministarstvo finansija i trezora i Unicredit Bank Austria AG i Informacija o robnom kreditu Unicredit Bank Austria AG za finansiranje Projekta nabavke opreme za KJKP „RAD“, d.o.o. Sarajevo

Predstavnički dom je na nastavku 1. sjednice od 19.05. 2011. godine donio ovu odluku.

Odluku su razmatrala nadležna radna tijela i dostavila izvještaje.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 38 glasova za, četiri glasa protiv i deset uzdržanih glasova, donio Odluku o prihvatanju zaduženja po Sporazumu o kreditu između Bosne i Hercegovine i Unicredit Bank Austria AG za realizaciju Projekta nabavke opreme za KJKP „RAD“, d.o.o. Sarajevo.

19. a) **Prijedlog odluke o prihvatanju Sporazuma o sredstvima zajma između Kraljevine Španije, zastupane po Instituto de credito oficial i Bosne i Hercegovine, zastupane po Ministarstvu finansija i trezora za finansiranje Projekta izgradnje postrojenja za prečišćavanje otpadnih voda u Širokom Brijegu**
- b) **Sporazum o sredstvima zajma između Kraljevine Španije, zastupane po Instituto de credito oficial i Bosne i Hercegovine, zastupane po Ministarstvu finansija i trezora,**
- c) **Informacija o kreditu Kraljevine Španije za Projekat finansiranja sistema otpadnih voda u općini Široki Brijeg**

Ovu odluku je utvrdila Vlada Federacije i dostavila Parlamentu Federacije radi razmatranja i donošenja.

Uz odluku su dostavljeni i Sporazum o sredstvima zajma između Kraljevine Španije, zastupane po Instituto de credito oficial i Bosne i Hercegovine, zastupane po Ministarstvu finansija i trezora i Informacija o kreditu Kraljevine Španije za Projekat finansiranja sistema otpadnih voda u općini Široki Brijeg.

Predstavnički dom je na nastavku 1. sjednice od 19.05. 2011. godine donio ovu odluku.

Odluku su razmatrala nadležna radna tijela i dostavila izvještaje.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 43 glasa za, dva glasa protiv i šest uzdržanih glasova, donio Odluku o prihvatanju Sporazuma o sredstvima zajma između Kraljevine Španije, zastupane po Instituto de credito oficial i Bosne i Hercegovine, zastupane po Ministarstvu finansija i trezora za finansiranje Projekta izgradnje postrojenja za prečišćavanje otpadnih voda u Širokom Brijegu.

- 20. a) Prijedlog odluke o usvajanju Prostorne osnove Prostornog plana Federacije Bosne i Hercegovine za period 2008. do 2028. godine,**  
**b) Prostorni plan Federacije Bosne i Hercegovine za period 2008. do 2028. godine,**  
**c) Prostorna osnova – sintezni tekst,**  
**d) Prostorna osnova – karte 1-15**  
**e) Izvod iz prostorne osnove – sintezni prikaz osnovne koncepcije prostornog razvoja**

Ovu odluku je utvrdila Vlada Federacije i dostavila Parlamentu Federacije radi razmatranja i donošenja.

Uz odluku su dostavljeni i Prostorni plan Federacije Bosne i Hercegovine za period 2008. do 2028. godine, Prostorna osnova – sintezni tekst, Prostorna osnova – karte 1-15 i Izvod iz prostorne osnove – sintezni prikaz osnovne koncepcije prostornog razvoja.

Predstavnički dom je na nastavku 1. sjednice od 19.05. 2011. godine donio ovu odluku.

Odluku su razmatrala nadležna radna tijela i dostavila izvještaje.

Odluku su obrazložili Desnica Radivojević, federalni ministar prostornog uređenja, i Zlatan Lazarevski, iz Urbanističkog zavoda Bosne i Hercegovine.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 43 glasa za, jednim glasom protiv i devet uzdržanih glasova, donio Odluku o usvajanju Prostorne osnove Prostornog plana Federacije Bosne i Hercegovine za period 2008. do 2028. godine.

**21. Izvještaj o radu Regulatorne komisije za električnu energiju u Federaciji Bosne i Hercegovine - FERK-a za 2010.godinu i Prijedlog finansijskog plana (Budžeta) FERK-a za 2011.godinu**

Na osnovu člana 16. Zakona o električnoj energiji Regulatorna komisija za električnu energiju u Federaciji Bosne i Hercegovine je dužna podnositi Izvještaj o svom radu najmanje jedanput godišnje, kao i Prijedlog finansijskog plana.

Izveštaj i Plan FERK-a su razmatrala nadležna radna tijela koja su dostavila izvještaje.

Izveštaj i Plan FERK-a je obrazložio Risto Mandrapa, predstavnik FERK-a.

Hajrudin Bećirović je obrazložio izvještaj Odbora za privredu.

U raspravi su učestvovali Josip Perić, Risto Mandrapa i Ivo Divković koji je predložio da Dom naroda usvoji Zaključak, koji je pročitao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 32 glasa za, osam glasova protiv i osam uzdržanih glasova, prihvatio Izveštaj o radu Regulatorne komisije za električnu energiju u Federaciji Bosne i Hercegovine - FERK-a za 2010.godinu i usvojio Prijedlog finansijskog plana (Budžeta) FERK-a za 2011.godinu uz sljedeći

## **ZAKLJUČAK**

Zadužuju se Vlada Federacije Bosne i Hercegovine, Federalno ministarstvo energije, rudarstva i industrije i Federalno ministarstvo prostornog uređenja da zajedno sa Regulatornom komisijom za električnu energiju u Federaciji Bosne i Hercegovine - FERK-om i Institucijom Ombudsmena za ljudska prava Bosne i Hercegovine, usaglase pravnu regulativu kako ne bi bilo pravne nedosljednosti u Zakonu o električnoj energiji, Zakonu o prostornom planiranju i korištenju zemljišta na nivou Federacije Bosne i Hercegovine i u Općim uvjetima za isporuku električne energije.

### **22.Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2010. godinu**

Na osnovu čl. 10. i 34. stav 1. Zakona o ombudsmenu za ljudska prava Bosne i Hercegovine, ombudsmeni Bosne i Hercegovine dostavljaju godišnji izvještaj Parlamentu Federacije Bosne i Hercegovine.

Predstavnički dom je na nastavku 1. sjednice od 19.05. 2011. godine prihvatio ovaj izvještaj.

Izveštaj su razmatrala nadležna radna tijela koja su dostavila izvještaje.



Izvještaj Komisije za ljudska prava i slobode je obrazložio Mirko Batinić, predsjednik Komisije, i pročitao Zaključak koji je Komisija predložila da Dom naroda donese.

Izvještaj Odbora za pravdu, opću upravu i lokalnu samoupravu obrazložio je Almedin Aliefendić, predsjednik Odbora, i izjavio da Odbor podržava Zaključak Komisije za ljudska prava i slobode.

U raspravi su učestvovali Elvira Abdić-Jelenović, Hajrudin Bećirović i Drago Puzigaća.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 37 glasa za, pet glasova protiv i devet uzdržanih glasova, prihvatio Godišnji izvještaj o rezultatima aktivnosti Institucije ombudsmena za ljudska prava Bosne i Hercegovine za 2010. godinu uz Zaključak koji je predložila Komisija za ljudska prava i slobode.

## **ZAKLJUČAK**

Pozivaju se svi organi zakonodavne i izvršne vlasti Federacije Bosne i Hercegovine, institucije, javne ustanove i preduzeća na federalnom nivou da ostvaruju punu saradnju sa Institucijom ombudsmena za ljudska prava Bosne i Hercegovine u narednom periodu i uvažavaju preporuke Ombudsmena s obzirom da je u Izvještaju za 2010.godinu uočljivo da u pojedinim institucijama nije iskazana saradnja na potrebnoj razini, što cijenimo nekorektnim i neprihvatljivim.

### **23. Izbori i imenovanja**

#### **a) Razrješenje člana Nadzornog odbora Agencije za privatizaciju u Federaciji Bosne i Hercegovine**

Na osnovu člana 13. stav 2. Zakona o Agenciji za privatizaciju, Vlada Federacije je dostavila Prijedlog za razrješenje Zijada Jagodića, člana Nadzornog odbora Agencije za privatizaciju u Federaciji Bosne i Hercegovine na lični zahtjev.

Prijedlog odluke o razrješenju člana Nadzornog odbora Agencije za privatizaciju u Federaciji Bosne i Hercegovine utvrdile su komisije za izbor i imenovanja oba doma Parlamenta Federacije Bosne i Hercegovine.

Predstavnički dom je na nastavku 1. sjednice od 19.05. 2011. godine donio Odluku o razrješenju Zijada Jagodića dužnosti člana Nadzornog odbora Agencije za privatizaciju u Federaciji Bosne i Hercegovine.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 43 glasa za, tri glasa protiv i osam uzdržanih glasova, donio Odluku o razrješenju Zijada Jagodića dužnosti člana Nadzornog odbora Agencije za privatizaciju u Federaciji Bosne i Hercegovine.

**b) Prijedlog zaključka o izboru članova u Zajedničku radnu grupu**

Komisija za izbor i imenovanja Doma naroda je razmatrala pitanje formiranja Zajedničke radne grupe komisija za izbor i imenovanja oba doma Parlamenta Federacije Bosne i Hercegovine čiji je zadatak da provodi postupak izbora i imenovanja koja su u zajedničkoj nadležnosti oba doma Parlamenta Federacije Bosne i Hercegovine.

Predstavnički dom je izabrao Safeta Kešu, Fikreta Kilima i Željka Asića u ovu Radnu grupu.

Komisija za izbor i imenovanja Doma naroda je predložila da se u ime Doma naroda u ovu radnu grupu izaberu Daliborka Milović, Luka Faletar i Mustafa Kurtović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 48 glasova za i dva glasa protiv izabrao Daliborku Milović, Luku Faletara i Mustafu Kurtovića za članove Zajedničke radne grupe komisija za izbor i imenovanja oba doma Parlamenta Federacije Bosne i Hercegovine.

Sjednica je završena u 16.40.

\* \* \*

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆA

Karolina Pavlović